



NEWSLETTER FEBRUAR 2026

SCHANTERCHER

Investissement an d'Waasserversuergung

Well d'Hauptwaasserleitungen téscht de Waasserpétzer nieft dem Futtballsterrain an dem Waasserbaseng *Deiwelselter* an der Fielser Strooss an d'Jore komm sinn, huet d'Gemeng decidéiert an d'Waasserversuergung vun der Stad ze investéieren. Am Februar hu lo d'Preparatiounsaarbechte wéi z.B. d'Ofholzen ugefaange fir déi al Waasserleitungen a Richtung Waasserbaseng an der Fielser Strooss ze erneieren. Ufank Mäerz soll de Schantjen da richtig lassgoen.



GEMENGEPROJETEN

Concours #NeiDikrich

Am Oktober 2025 war de *Concours d'architectes-urbanistes* fir de Projet #NeiDikrich lancéiert ginn. Ufanks Februar huet e Jury mat 9 Experten a Politiker 5 Büroen zeréckbehalen, déi vum 27. Februar bis de 5. Juni 2026 Zäit hunn, en detailléierte Projet fir d'Erneuerung vum Stadkär auszeschaffen. Ufanks Juli entscheet dann de Jury wien als definitive Gewënner vum Concours ervirgeet. De 14. Juli 2026 gëtt de Gewënner-Projet öffentlech virgestallt. Duerno muss nach just de Gemengerot iwwer dee Projet ofstëmme, éier e kann ëmgesat ginn.



Budget participatif 2025 & 2026

Enn Januar huet de Gemengerot sech fir ee vun de ronn 20 Projeten, déi am Kader vum partizipative Budget 2025 erageschéckt goufen, entscheet. Esou ass d'Propos vum Här Gilberto Dos Santos zeréckbehalde ginn – dës gesäit vir, de Basketballsterrain op der Lëmmelsplaz ze renovéieren an neit Material z'installéieren, fir esou outdoor Aktivitéiten an de soziale Kontakt ze fërderen. Ee grouse Merci un den Här Dos Santos an un all déi aner déi hir Iddien erageschéckt hunn. Och fir d'Joer 2026 ass erëm ee partizipative Budget virgesinn, fir deen Dir Är Proposen eraschécke kënt. All d'Informatiounen an d'Konditiounen fannt Dir iwwer de QR-Code hei nieft dem Text.



INFORMATIOUN

NEI | Dikrich TV vun elo un och bei der Post an Eltrona
| Déi nei Emissioun: All 3. Méindeg vum Mount owes um 19 Auer

NÄCHSTEN DEIWELSELTER (LU FR EN) | Mëtt Mee 2026 per Post an op diekirch.lu

Bamplanzaktioun

Vum 16. Februar un a bis Enn des Mounts ass de Service Technique amgaangen uechter ganz Dikrich eng 40 Beem ze planzen, fir esou zu engem bessere Klima bäizedroen. Well de Klimawandel fir ëmmer méi dréchen a waarm Summere suerge wäert, mussen dobäi Zorte gesat ginn, déi de geännerte Wiederkonditioune Rechnung droen. Dofir dierft Dir elo an Zukunft uechter ganz Dikrich och nei Aarten ewéi Mammutbeem, Ginkobeem an aner resilient Bamzorte virfannen. Fënnef nei Beem goufen am Hang bei der Spillplaz an der Glaesener Strooss ugeplanz.



FESTER & EVENTER

Grouss Botz

Den **21. Mäerz** invitéiert d'Nohaltegkeetskommissioun op déi traditionell Grouss Botz an a ronderëm Dikrich. Rendez-Vous hefir ass um 9 Auer moies beim Restaurant „Al Schwemm“, wou ee mat Croissant a Kaffi empfaange gëtt. Um Enn vun der Botz gëtt op der selwechter Plaz och lessen a Gedréngs ugebuede fir jiddereen deen eng Hand mat ugepaakt huet. D'Umeldung leeft nach bis den 13. Mäerz op communication@diekirch.lu.



Ouschtermaart mat Ouschtereeërsich

De leschte Weekend am Mäerz fënnt dann och den Ouschtermaart am Dikricher Stadkär statt. Hei erwaart lech den **28. an 29. Mäerz vun 10 bis 18 Auer** ee flotte Programm mat villen Animatioune fir grouss a kleng. D'Neiegkeet vum Ouschtermaart dëst Joer ass eng Ouschtereeërsich fir Kanner samschdes, den 28. Mäerz. All weider Informatiounen fannt Dir op der bäigefügter Käertchen.



KLIMANEWS

De Smarty+ gëtt ofgeschafft

Creos, a Kooperatioun mat de lëtzebuergesche Gestionnaire vum de Stroumdistributiounsnetzer Ville de Diekirch, Ville d'Ettelbruck a SudStroum, annonciéieren d'Ofschaffung vum Smarty+ Dongle ab dem 31. Dezember 2026. Dës Entscheidung gouf am Kader vum technologesche Wandel an der Aféierung vun neie Léisunge getraff, déi e besseren Zougang zu Energiedaten erlaben, besonnesch iwver d'Leneda-Dateplattform an Apparater, déi an Heem-Energie-Managementssystemer (HEMS) integréiert sinn.



Fir aktuell Benotzer wäerten den Dongle an d'Applikatioun bis Enn 2026 ouni Restriktioun funktionéieren; de Clientservice gëtt an där Period och garantéiert. Déi gesammelt Donnéeë bleiwe bis dohinner zougänglech.

→ Mat Ärer Energy ID kritt Dir Zougang op déi national Energiedateplattform www.leneda.lu iwver déi Dir Är Stroum- a Gasdaten (an Zukunft eventuell och Är Waasser- a Wäermedaten) ofruffen an analyséiere kënn. Gitt einfach op leneda.lu, maacht do e Konto op, da kritt Dir Är Energie ID mat där Dir lech Är Date kënn ukucken.



DIKRICHER
**OUSCHTER
MAART**

28.+29. Mäerz

10 – 18 Auer
am Dikricher Stadkär



VILLE DE
DIEKIRCH



SYNDICAT D'INITIATIVE
DIEKIRCH



WAT STEET UM PROGRAMM?

flott Handwierksstänn, lessen
a Gedréns vun de lokale
Clibb, vill Kanneranimationen,
Besuch vum Ouschterhues,
Klengdéier-Park, Concerten a
villes méi...



Méi Infoen deemnächst
iwwer de QR-Code um
Facebook-Event oder
op www.diekirch.lu

NEI: OUSCHTEREEËRSICH

fir Kanner mat flotte Spiller
duerch Dikrich an engem
klenge Kaddo zum Ofschloss!

D'Umeldung lafe **bis den**
20. Mäerz iwwer dëse
QR-Code :

